



РУСКИ НОВИНИ

ЗА РУСНОХ У КРАЉОВИНИ СХС

Рок IV.

Нови Сад, субота 12. марта 1927.

Ч. 10 (117)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Рукописи и други писма треба
посилац на адресу:

„РУСКИ НОВИНИ“ НОВИ САД
Бојовићева улица број 2.

Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бланица).

Права и крива култура

Човечески живот на жеми то непрестана борба. Муши ше бориц за природу, бо природа сама ніч не да, шицко, цо человек за живот потребуе, муши вон од природи одняц, вибориц. У тей животней борби зос природу винаходзи человек вшеліяки средства и способности, котри му у тей борби помагаю и живот облегчю. На тот способ вон себе витворюе. материалу культуру.

Муши ше бориц и зос самим собу бо у човеку не доброго н. пр. незнане, мержня, несправедливосц, лакомство за цудзим, неумереносц и т. д. Затаманіц, зніщиц у човеку вельо тоти зли сили, просвищиц розум и утвердиц добри свойства то е задача доброго вихованя, добрей просвити, зос єдним словом ше то вола духовна култура, бо ше у першим шоре одноши на душу.

Зос того уж мож увидиц, же култура духовна и материална то заправо найвиши и перши цель же много живота, бо вона роби наш живот легчейши, лепши, и так нас провадзи до главней цилі на жеми — шесца.

Але тєраз приходзи найважнейше!

Кажде знане, кажди рух на швецє ма свої план, котри одредзює точно, нач ше дацо роби и кадзи ше идзе. Так человек у своїм

живоце, у своїм културним змаганю муши мац свой план, муши мац якишик озновни, главни правди, по котрих ше вон равна. То ше вола свитогляд. Два су главни питаня, на котри человек у своїм живоце як розумне створене муши мац ясни одвит: откаль і кадзи? Откаль человек идзеш и дзе идзеш. Лебо: цо ши ти, человек и яки твой конечни цель? То су питаня, цо іх розум каждому постави и на котри человек муши мац ясни одвит, иншак не може як человек жиц. И яки будзе тот одвит таки будзе человек живот, така будзе його култура.

Од початку людского роду давали розлични людзе вшеліяки одвити. Але єдино правдиви єст одвит, цо нам дава наша християнска вира кед гвари: человек е створени од Бога; за Бога; од Бога идземе и гу Богу маме прийсц.

Култура, котра ше равна по тих християнских правдох єст християнска култура и лем вона єдина правдива култура, бо лем вона наисце приноси людскому роду щесце и задовольство.

А яки су ище други, фальшиви одвити на гевти два главни питаня, а особено яка є нешкайня култура, о тим будзе бешєда у другей статі.

Мих. Ф—ак

того обчекуе ше преширене нешкайшей влади зос демократску заєдницу, а то би ше лем теди могло догодзиц, кед Максимовича замені дахто други бо зос нїм демократи несцу.

ПОБИЛ НАРОДНОГО ПОСЛАНИКА

Тих дньох бувши Черногорски министр Пламенац нападнул на стред драги народного посланика Кецмановича и побил го. Причина тому була єдна бешєда, котру Кецманович отримал у Парламенту против Пламенаца.

ШКОЛЯРЕ ШТРАЙКУЮ

У Новим Вербаше сцели ступиц до штрајку школяре 7. класи, бо єден професор випляскал єдного школяра. Найсцє злата младеж!

ОД ШУСТЕРА ДО ШЕФА ФИНАНСИЙСКОЙ УПРАВИ

У Алибунару (Банат) открили власци вельку крадзу при финансијскей управи и заварли шефа Сингера. Сингер по родзеню жид, бул скорей шустер а вец у австријским войску авансирал на под офицера. По войны бул финансијски чиновник у Сомборе а вец у Алибунари. Понеже кортешовал за єдну партию (не чежко потрафиц за котру) постал и шеф финансијскей управи. Вон провадзел барз роскошни живот и кед пришло препатроване каси указало ше, же хиба 700.000 динари. Сингер крем того убєрал такси а не заводзел их до

кнїжкох, а крем того видумовал койяки такси, котри неуки параста плацали.

ВАЖНО ЗА ХМЕЛЯРОХ

Производители хмеля отримали у Београду конгрес, на котрим дали на знане, же Чески пивари требаю 200 вагони вецей хмелю зос нашей держави як цо маю уговор. и по тому видно, же хмель будзе драги па прето садителе най ше не даю спрєвєсц койяким агентом.

ХОРОТА СПАНЯ.

У Зворнику (Босна) появела ше хорота спаня. Хори так твардо зашпи, же ше не може пребудзиц през 3 днї.

ОДКУШЕЛИ СЕБЕ УХА.

Цо человек у напою зроби, найлєпше доказаю на суду у Алексинцу (Сербия) Двох тарговцох, котри єден другому одкушел у звади ухо одсудзел суд по 2 мешаца арешту.

ЗА РЕПЕРАЦИЮ НАСИПОХ.

Хипотекарней банки оттворели кредит од 50 мил. динари, котри ше употреби на репарацию насипох у Бачки, Банату и Барані.

УВОЖОВАНЕ МАШИНОХ БЕЗ ЦАРИНИ.

У министеріи польопривреди готуе ше уредба по котрей би ше вишлєбодзєли од царини шицки машини и орудія котри потребує нашу землєдлци и прєва ше у страних державох.

У нашом отечеству

ПОЛИТИЧЕСКЕ ПОЛОЖЕНИЕ

Политически круги бешєдую, же у найскорши часи придзе до пременкох у влади. Перша би пременка була у тим, же министр нукашних ділох п. Мак-

симович вежне други даяки резор (министерію) а на його би место пришол Др. Сршкич, тєразшні министр правди. Таку пременку жадаю найбаржей Демократи и радикали пашичевци. Крем

Газдовство

О уничтоженю репченя у желеним шацу

(Прєподано у „Клубу землєдлцох“ у Р. Керестуре 23. II. 1927.)

Землєдлцом добре познато же у нас репченє вельо чкодзи не лем ярнім, — але часто и вшенским шацем. Найчастейше и найвєцей овсу.

Кажда дзива лудва коров уж од природи ма моцнейши организм за житіє, жилавши су як цо други културни рошліни. На яр скорей ше розкорєня замоц-

нью и, розвию. А почим борба за живот у царству рошліни постої исто так як и у царству животиньох. т. е. моцнейши рошліни од слабших коло нїх исто так одбераю храну, як цо робя моцнейши животинї зос слабима, зато шицки культурни растеня, — кед ше у їх появи од нїх моцнейша дудва, — у розвитку заостану, принешу и слабши урожай а дакеди и нїяки.

У нас у тим згяду найвецей чкоди роби репчень и то найчастейше у овсу, але вецей раз и у жыту. На початку яри, док репчень надвлада овес лем у кореню але з воздуха ище добие довольно и слункових зарїох, до теде ше овес бори и обегує зос репченьом. Але познейше, кед ше репченью удеси вибегнуц горе над овес, розшири лїсце, застави слунково зарї од овса, през котрих нїяка рошліна ше не може розвиц, — овес остане у хладку, дораз обачиме, же почне жолтнуц, препадац. Плод принешу лем тоти моцнейши стабли котрим ше удало зос репченьом вибегай, доїсц и остац на слунку.

Стручниця уж давно робя проби, с котрима би ше дали унічтожиц таки неприятель-культурних рошлінох и як цо стручниця новини доношало уж ше им вецей проби удали.

По доказу Dr-a Maas (Münster) у вецей газдовских школах пробовали унічтожавац репчень у

шану зос так названим материалом „Kainit“ и доказую, же у каждам случаю проба показала цалком задовольни резултат.

Kainit є sulfat, и то водосодержащи, котрому содержина klog kali, дакле не ише, як и доуги минерални гной, котри у нас обично волаю гипс.

Kainit за унічтожоване репченью ше употреблює слїдующим способом:

На едно катастралне ютро треба з нього 4—5 метерц. Шеє ше в шас рано, около 4—5 годзин, кеди на рошліни найлепша роса. Kainit ше на лїсцу рошліни роствори зос росу, т. е. осуши росу а зос ню преє препада и лїсце, але лем репченью. С тим препаднє и цала рошліна репченья.

При тим Kainit овсу або жыту не чкодзи але хаснує. Чим го вецей добие, тим ше лепше розвива, як од гною.

Ак цо сом ше тима днями дознал путем Администрації „Польопривредного Гласника“, „Agraria“ (Польопривредна задруга) у Новом Саду, железничка улица 98, у векним кварту паручела Kainit-а По якей цели буду го предавац, обявля аж теде, як го добие. Дакле хто ше о то интересує, односно сце у своїм газдовству пробу зробиц, най ше у того време пита о тим у горе наведзеной фирми.

М. А. Поливка.

ШИРОМ ШВЕТА

Мадярска

КОМУНИСТИЧКА ПРОПАГАНДА.

Полиция у Пешти влапела якогш Золтана Санто, котри открил цалу организацию комунистох у Мадярскей, а котра виноши 120 члени. Вони доставали вельки пенєж зос Ру-

сий а у плану им було у мешацу марту дзвигнуц революцию. Свою пропаганду преширели вони и на Румунію.

Русія

НОВЕ ГОНЕНІЄ КАТОЛ. ВИРИ.

У варошу Миньск арештовали большевики вельо като-

ликох. Недавно опколенїла полиция тамтейшу церкву и заказали виїсц вонка док каждого не препатрели. Хто не мал при себе легитимацию того заварли. Потим заварли ище двох священїкох.

Франція

ЗА ХРИСТИЯНСКИ СУПРУЖЕСТВА.

Под протекторатом кардинала Дїбоа барз напредує рух за обновленє християнского супружества. Вецей катол. фамелиї удружели ше и робя на тим, да виховаю цо вецей добри фамелиї. Вони поучую мужеску и женску младеж о заповидох и чеснотох супружества, ридчо о их вихованю дзєцох. Помагаю священїкох у їх праці за добро младежи и родительох. Основали терез „Лигу чистоти“ до котрей ступаю легинє дзївки и родителе.

Австрія

ДІЛО ШКОЛЯРА — СОЦІЯЛИСТИ.

У Медлингу бухтирал еден школяр бо вецей мулатовал як учел. Вон ше сцел прето вимсциц и школи и професорови. Зробел бомбу, да ю подстави под школске здание и, купел револвер, да забие професора. На време шицко при нїм открили и школяра придали до суду. Вон виявел, же вон соціялист як и його професоре, и же вон роби лем того, цо роби и кажди соціялист. Ето яки плоди приношує безвирска соціялистика школа.

Америка

КОНГРЕС ЗА ЗЕДИНЕНЄ ЦЕРКВОХ.

Лутерански церкви у Америки отримали, тих днїох конгрес на котрим була главна бешєда о тим, да ше их церкви соединя зос Римом. На конгресу ше шицки зложели у тим, же апостолска римска столица, по Божим постановленю глава и средище шицким церквом, и же непогришивосц папи виходзи уж сама од себе, кед вон учитель шицких християнох.

Австралія

НОВА ПРЕСТОЛНИЦА.

Жительом Австралії не пачи ше их дотеразши главни вароїи Сидней. Вони одредели, же абудую цалком нову престолницю на другим месце, на meno Камбера И католики заложели у новей престолници церкву св. Христофора так исто почали будовац школи и манастири.

Кина

РУСКА ФРОНТА У АЗИИ.

Еден путник врацел ше зос рускей Сибири до Видня (Бейч) и гвари, же большевїцка войска под команду генерала Угоровича стої у Туркестану и на граници Сибира вше готова да поможе Китайцох у борби процив Английцох. Войска числя 130.000 хлопох. Дас 20.000 большевїцких офисирох находзи ше межи Китайцями у кантональной (побуненицкей) войски. З помоцу Азії думая большевїци надвладац Европу.

Чудесне наверценє едного жидовского рабина

Як пишу Евхаристїїни нїю (Der Eucharistische Völkerverbund) у числу 4. 1927.

14. Св. Меодїй архїєпископ — исповидник.

Папа Адриян II. поставел Меодїя за архїєпископа Панонского. Под його власц спадала не лем Панонїя и Моравїя, але и днешня Сербїя. — Вдн достал од Папи власц, 1) да може оконьчовац богослуженє на славянском язика и 2) да ушори церквени обставини у славянских крайох.

Господь Исус Христос предсказал о себе:

„Кед будзем на криж подзвигнути, теде шицких прицагнем гу себе.“ По крижу бул откупени швет. Шицки апостоли жертвовали свой живот за виру Христову. Подобно мали и буду мац вельо церпїц шицки Христово ученїки и апостолски наслїдники — владикове и священїки пре свїту виру и церкву.

Так було и зос свїтим Меодїєм.

Кед ше врацел з Риму и започал свою роботу, дзвигнули ше проци ньому немецки владикове. Не були то владикове по Шерцу Божим, але по шерцу немецких царох. Не старали ше вони тельо за виру, кельо за то, да ше попача царови. Вони улапели святого Меодїя, руцели го до цемнїци, и св. Меодїй остал там вецей як 3 роки. Вельо и барз вельо церпел и на души и на тїлу. — Церпел там, док го не ошлебодзел папа Іоан VIII., котри наступел по Адрияну II. Св. Меодїй вецейраз писал до Риму, але його писма влапели и не пуцели до Риму. Але по 3 роках дознал ше Папа од едного посланика, по мену Лазара, котрого св. Меодїй вислал до Риму цо ше з Меодїєм стало. Кед то Папа дочул,



ФЕЛЬТОН



Житїє св. Кирила и Меодїя

13. Тестамет св. Кирила и св. Меодїй.

Святи Меодїй добре знал, же вон страцел найвекшу подпору, кед му умар брат Кирил. Вон предвидзел шицки чежкосци, яки го чекали у мисїонарскей роботы и прето вон роздумовал о тим, як да ше назад враци до свойого манастира, дзе прежил свойо млади роки. Але св. Кирил горячо модлел свойого брата, най не опуцує започату роботу. „Брату мой,“ гуторел св. Кирил, „ми до тєраз були ведно, орали зме єдну бразду на нїви Божей. Я падам на полю. Ти барз любиш гору Олимп. Але пре Олимп не опуцуї нїгда свою апостолску роботу, не опуцуї Славянох.“

Прави апостол модлі и блага свойого брата, да на мисїонарскей драже витрима до конца.

Папа Адриян II. сцел поховац св. Кирила у церкви святого Петра. Св. Меодїй пак жадал пренєсц мощи свойого брата до Солуна, дзе їм почивали родителї. Але цали Рим не сцел випуциц мощи такого святителя, як цо бул Кирил. Св. Меодїй попуцел и мощи св. Кирила були поховани при мощох св. Климента Папи Римского, над котрима познейше була збудовани красна церква, котра така мила каждому славянскому шерцу.

року, стал ше слідујуци случай. Еден рабин читал у синагоги Святе писмо пред вирніками и мал ім толковац поедини места. Того дня пришол шор да чита пророка Исаію. Пророк Исаія найвекши пророк Старото Завиту. Вон так ясно пророковал о Христу Царю, о його мукох и шмерци, же го Святи Отци волали „Евангелистом Старого Завиту“.

Рабин пречитал у першей глави кнїшки пророка Исаіи слова: „Од петох до верху глави нет на нїм здравого... Пречитал то и другираз и нараз започал гласно плакац. Вирніки патрели на нього и єдни ше чудовали тому, други думали, же розум страцел. Рабин далей гласно плакал. Теди го людзе запитали: Прецо плачеш? Цо ци ше стануло? А вон з глибоким потрешенем вигварел слова пред шицкими: „Тог о котрим Пророк пророковал з тима словами, цо я тераз пречитал, то єст Христос, Месія! Я верим у Христа!“

З тима словами опуцел Синагогу, дал ше поучиц у католицкей вири и покресцел ше.

Його жена одрекла ше од нього и прекляла го. Але його душа мирна, бо вон порозумел слова Христа Го-

спода: „Хто люби отца або мацер як мене, тот мене недостойни... Хто люби жену вецей як мене, тот мене недостойни“.

Вон нешка жиє у Німецкей и Вестфалскей у вельким худобству того швета. Але богати по вири святей.

Молитви Христа Господа, яку модлел на крижю роспяти:

„Одпуц ім, отче, бо не знаю, цо робя“, обраца вельораз побдни души на виру Христову, за котри бизме найменей могли очековац.

Пред вецей роками приял виру Христову у Риму чудесним начином жид Ратисбон. Вон основал мужески и женски манастири под меном „Наша премила Пані Сіонска“. Тоти манастири водза бригу пре таких навращених.

У найновших часох вельо єсть случайох обрацєня медзи жидами у Англіи.

Недавно достали зме поволанє, да приступиме до такого товариства духовного, котре ше модлі за обрацєнє жидовского народа. Сам Папа Пій XI. у молитви за пошвєцєнє цєлого швєта найсвятїшому Шерцу Христа Господа додал даскельо слова за обрацєнє жидовского народа.

Читайце „Руски Новини“

дораз вислал свойого посланика до Німецкей владіку з Якіна, и преко нього найоштрейше покарал шицких трох владікох, котри несправедливо судзели святому Меѳодіюви. За каром Папинском слідовала и Божя кара. Тоти шицки владікове помарли наглом шмерцу еден за другим.

Року 869. папи Іоан VIII. виименовал св. Меѳодія своїм окремишнім делегатом медзи шицким Славянами, же би вшадзи ушорьовал, цо було потрібно.

15. Св. Меѳодій у Моравіи.

873. року врацелъ ше св. Меѳодій як папински делегат до Моравіи. Ту на нього чекали нови крижи. Место Ратислава владалъ ту син його шестри, Святополк, котри видал своего стріка франачком царови Лудвікови. Лудвик руцел Ратислава до цємници и викопал му очи.

Моравски народъ принял св. Меѳодія с найвекшу радосцу. Св. Меѳодій як архиепископ цалей моравскей держави з нова започал свою апостолску роботу. Хто може, порозумиц превельки чежкосци, яки вон мал на шицки страни. Його архиепископска столица була у Велеграду, главним месце моравскей держави. Плоди его пастирскей роботи показовали ше по шицких странах. Започал ше нови живот христіянски, число нових священикох с дня на дзєнь ше множело. Ученіки Меѳодіюво проповидали околним Славяном виру Христову. Чехи, Поляки, Хорвати а бизовно и нашо прадідове, котри у тим часу жили з єдней и другей страни Карпатох, були таки щєшлїви, же слухали слово Боже на своїм мацеринским язїку.

Зос наших валалох

Шид

РУСКЕ ПРОСВИТНЕ ДРУЖТВО

виступело перши раз явно пред руски народ дня 27. фебруара. Того дня дало воно забаву (бал), яку Русини дотераз ище не мали и не видзели. Гоч того дня вєчар падал дїждж як с каба, ипак ше набєрало вельке число Русинох, особено младших, а було досц Хорватах и Сербох. Найвекши интерес бул за томболу (лутрию), на котрей бавело коло 160 предмету. Цали час бул на забави красни шор, а члени ше трудзели, да шицки буду погосцєни. Забава принєсла дружтву чисти приход од 2902 дин.

Зос тоту забаву, котра остане у приємней памяти шицких присутних, указало нашо Просвитне Дружтво, же идзе добров драгов, да дзвига у нашим народу руски дух и да шири правдиву просвиту. Треба жалїц, же єст ище у Шиду таких, котри боком патра на Просвитне Дружтво през правей причини.

Истого дня шпивал на св. Служби Божей у цєркви мишани хор Просвитного Дружтва, и прето ше муши окремо похвалїц, кед ше уважи, же члени то зробели по своей дзєки, бо у Шиду не маме од ле-

та руского учителя, а председатель дружтва на наукох у Загребу.

Просвитне Друштво у Шиду предлужи и далей зос свою роботу на потїху и хасен руского народа, и кед Бог да, укаже свойо успихи и пред представніками других Руских валалох, док ше зиду на схайцки Р. Н. П. Дружтва у Шиду на Преображенїє того року. Теди дума нашо Просвитне Дружтво дац представу драми зос руского живота, цо ю пише председатель дружтва Илько Крайцар.

ПОДЗЕКОВАЊЕ

Руске Просвитне Дружтво у Шиду дзєкує найлєпше шицким тим, котри ше старали, же би дружтвена забава дня 27. фебруара була цо краша и успишнейша, Окреме дзєкує панцови Бєсерминю, домашньому парохови, котри даровал за томболу метер дрєва, панови Йосипови Шук, тарговцови зос Шиди, котри даровал вельо красни и вредни предмети, и тарговским фирмом Шепић и др. и Шлезингер, котри даровали по єден коч чутки.

У Шиду, дня 6. марта 1927.

За одбор: Илько Крайцар, председатель, Дюра Кулич, тайник.

З виру Христову розвинула ше и писменосц славянска. Моравія була така силна, яка пред тим нїгда не була.

16. Меѳодія тужели до Риму.

Св. Меѳодій кончел Службу Божу на славянском язїку, якъ му то дозволил 869. року папа Адријан II. То не було мило врагом славянства. Вони за себе предобили и княза Святополка. А як то було можно? Княз Святополк не жил по христіянски и прето му ше не любела апостолска ревносц Меѳодіюва. То вихасновали неприятели Меѳодіюво и нагварели Святополка, най тужи Меѳодія до Риму, же вон несправовирни. Папа Іоан VIII. добре познавал Меѳодія, елє да лєгчєйше запре уста його неприятелиом, заводал го до Риму. Року 880. ступел Меѳодій по другираз до Риму. Ту на ново була доказана його правовирносц и невиносц. У писму на княза Святополка папа:

- 1) хвалї ревносц и правовирносц Меѳодіюву;
- 2) дозволює наново славянски язїк при богослужєню;
- 3) потвердзує митрополитску власц Меѳодіюву над цалу Моравію и Паннонію.

З того писма видзиме, же Святополк и моравски бояре не любели Службу Божу на славянским язїку. Вони з гордосци не сцели буц ровни простому народу, и жадали пре себе лагински язїк и окремого владіку у Нїтри, Немца Вихинга. Папа ім то дозволил, але Вихингови наложел, же муши слухац Меѳодія.

Подзековане

Парохияне нашей Коцурскей парохии настоянъом п. о. Дюри Биндаса даровали Семинариј у Загребу красни дарунок од 2500 дин. (Од того цер-

ковна, каса дала 500 д.) Шицким дарователъом сердечно дзекуем а Господъ най им награди.

Управительство гр. кат. семинариј.

О. ЮАН ВИШОШЕВИЧ
управитель.

Вшеліячина

АДВОКАТКА — МОНАХИНЯ

Паночка Марія Easby Schmith, котра кончала адвокатску службу у Америцкей держави Колумби, напушела свою адвокатску службу, гоч ей барз добре ишла работа и ступела до монастира шестрох св. Агнетки. Подобно зробел у своім часу и св. Иоан Златоуст. И вон започал як адвокат. Але кед видзел, же адвокати и неправду браня, одруцел тоту службу и служел Богу як священік, як владица и як мученік.

ПРЕ КАТОЛІЦКИХ УЧЕНІКОХ

За шицких пародносцох будзе виставени вельки дом у Парижу, у котрим буду годни бивац 6000 ученіки.

А цо ми робиме пре наших ученікох?

Кеди ми почнеме думац на дом пре нїх?

Чи би ше дахто не нашол, котри би почал будовац таки дом?

ВЕРИМ У ЖИВОТ ВИЧНИ

Др. Юлий Пеан, славни француски лікар, кед ше на смертелней посцелі одпитовал од своей фамилиј, так гуторел: „Гоч яка була драга мойого живота, кед човек честно и совистно докончуе задачу своіого живота, теди умера з пресвидченем, же ше и заш увидзи зос своіма“.

ЦО ЗНАМЕ О БОГУ?

Француз Фернанд Дивур недавно видал кнїшку под названием: „Цо знаме о Богу?“ На тот вопрос находза ше у тей кнїшки вшеліяки отвити наймудрейших людзох, цо те раз жию. Найкратъши и найлпши отвит слїдуючи, яки послал писатель Павел Клодел: „О Богу знам то, цо о Нїм учи католицки катахиз, нїч вецей, и нїч меней.“

ТАНЄЧНИ ЗАБАВИ

У Баварији у сабору видани закон, по котрим ше забранюю танечни забави у великим посце, у крацуским и у шицки други пости

Католицка церква то уж давно доказуе. Крашне и то, кед и держави увидзую, же то добре, цо церква роби.

Але почуйме и дале, цо Турска одредзела у тей ствари, у Турскей видани таки закони, по котрим не шлѣбодно

танцовац младежи до 18 року Не шлѣбодно им ані приходзиц до таких местох, дзе други танцюю.

Цо би нашо легине и дзивки на то поведли?

Цо би на то поведли вельо шалени родителі, котри силую дзечи свою на одавачку и пред 16 роком? Яки з того зла походза, на то шалени родителе не думаю. Вони вецей воля фалаток жеми, як здравле свойого дзетка, як здравле и щесце своіх потомкох. Вони не думаю на проклятва, яки ше вельораз трафляю, кед дзечи нездравни и незадовольни и прекліпаю отца и мацер, котри їх присиловали на так скоре винчане. — Людзе Божи! Слухайце Церкву, котра одредзуе за жеңдбу найменей 19—20 роки. — Не скорей, бо то не добро.

АРАБСКА УЛЮДНОСЦ

На улици у месту Ерусалиму спокойно шедзел еден Арапин. Хтошка з горе з едного аблака вилял воду на улици и дораз ше скрил з облака, кед побачел цо зробел. — Арапин мирно далей шедзел и так гуторел:

„Кед ши стари человек, цо ши то зробел, я це презирам. Кед ши стара жена, я ци одпушюем.“

Кед ши легинь, я це прекліням.

Кед ши дзивка, я ци дзекуем.“ — Вигварел то, дзвигнел ше и пошол далей по своей драги, як да ше нїч не догодело.

Не знам, цо би повед наш человек, кед би дацо таке достал!

ДО ЧОГО ДОПРОВАДЗУЮ БЕЗВИРСКИ ШКОЛИ

На концу 1925. велі новини у Ческей, не лем католицки, але и социалистични, комунистични, вельо пасали о том, як ту невидзе на лепше, але на горше. Напоминали вшеліяки фамилярни нещесиа, вшеліяки бритки тїлесни хороти, котри винішюю цали места, наводзели числа хорих легиньох и дзивкох од нечистих хороцох итд. итд.

На концу написали и то, же ше у ческей републики попречно каждый дзень 13 людзох забива — Вони не знали причину тому.

На то їм католицки новини дали добри отвит: то робя и буду и далей робиц вашо безбожни школи. — Дзе нет вири у Бога, там нет добра, там лем зло влада.

и обрѣте Філіппа, и глагола ему: „гряди по мнѣ“. бѣ же Філіппъ от Виѳсаїды, от града Андреова и

Петрова. Обрѣте Філіппъ Наѳанаила, и глагола ему: егоже писа Моисей въ законѣ, и пророци, обрѣтохомъ, Исуса Сына Иосифова, иже от Назарета. И глагола ему Наѳанаилъ: от Назарета можетъ ли что добро быти? Глагола ему Філіппъ: прїиди и видѣ. Видѣ же Исусъ Наѳанаила грядуща къ себѣ, и глагола о немъ се воистину Израильтянинъ, въ немже льсти нѣсть. Глагола ему Наѳанаилъ: како мя знаѣши? отвѣща Исусъ, и рече ему: прежде даже не возгласи тебе Філіппъ, суща под смоковницею видѣхъ тя. Отвѣща Наѳанаилъ и глагола ему: Равви, ты еси Сынъ Божїй, ты еси царь Израилевъ. Отвѣща Исусъ и рече ему: зане рѣхъ ти, яко видѣхъ тя подъ смоковницею, вѣруєши, больша сихъ узриши. И глагола ему: аминь, аминь, глаголю вамъ: отсель узрите небо отверсто и Ангелы Божїя восходящїя и нисходящїя надъ Сына чelовѣческаго.

Натанаїл верел Исуса Христа, як Сина божаго, же му гварел, же го видзел под смокву скорей, як гу ньому Филип прегварел. Христос му за тоту його виру обедал, же будзе видзиц ище векше чудо, як його всезнае. Гварел му: „Отсель узрите небо отверсто, и ангели Божїя возходящїя и нисходящїя на сина чelовѣческаго.“

Тото вельке пророчество выполнел Исус на Тайней Вечери. Там установел пресвяту Евхаристию и жертву Нового Закона. Там прегварел: „Примите ядите, сие ест тїло мое“; пийте од нея вси, сия ест кров моя новаго закона; и додал: „Сие творите во мое воспоминание“.

С тим святим чином выполнел Исус своєю обещане, же будзе з нами до конца швета: „Аз всм с вами до скончания века Аминь.“

Там, дзе Исус, Син Божї, там воистину небо отворене, и виходза и зиходза ангели божи. То зме длужни вериц и признац. А дзе тото святе место на тим швецѣ, дзе пребива Исус Христос, Син Божї под видами хлїба и вина у св. Евхаристїи? Шицки знаме доб е, же тото св место находзи ше у наших св церквох. Там е кивот Нового Завита, там живє з нами у найвекшей тайни новзго закону Исус Христос, Син Божї, наш преслатки Спаситель и Откупитель. О, чудо над чудами милости божей!! Наисце патриме на своєю очи векше дїло сили божей, як патрел Натанаїл: „И больша сих узриши.“ Ми зме и нешка по двох езрох рокох свидетелие того чуда. У церквох наших живє з нами Исус.

О, яке почитане да указуеме церкви нашей, кед там небо

отворене над кивогом, и кед там ангели божи зиходза на Сина Божаго!! Цар Давид воскликнул: „Дому твоему подобает святїня, Господи, во долготу дний.“

Церква христїанска е даклем на тим швецѣ найсвятейше место

Прето треба да нам будзе наймилше место, за котрим жада душа наша. Дзе би на тим швецѣ гледали зос Натанаїлом и з Филипом Христа Бога, кед би не мали святїи церкви?! Не могли би го найси нїгдє и швет би нам випатрал, як пустыня. Радуйме ше даклем и дзекуїме Богу, же нам отворел небо у церквох наших и пребива з нами до конца швета.

М. Мудри

Нашо претплатнїци

За 1927 рок послали свою претплату слїдуюци п. п.: Михал Рамач, Р. Керестур 100 д. Андрей Будински, Р. Керестур 100 д. Михал Надъ-Бандурик, Р. Керестур 50 д. Янко Мудри, шеф станице Банатско Краљевићево 100 д.

БЕРЗА

Берлин 1 злата марка	13.46 д
Будим. 100.000 мадь. кр.	79.—
Италия 100 лира	251.—
Букарест 100 лей	32.—
Лондон 1 фунд. штер.	275.25
Нью-Йорк 1 доллар	56.58
Париз 100 франки	224.24
Праг 100 Чес. кр.	167.65
Акциї З. К. Б. Д. Д.	325
Швайцарска 1 франк	10.97
Виден 1 шилинг	8.—
Наполендор 1 ком.	190.—
20 златних корун	190.—
10 " "	95.—
Сеферин	400.—
Дукат	100.—
1 круна у сребру	3.—
5 " "	15.—
1 форинт " "	6.—

7% держав. позичка за 10 динара ном. 70— дин. 2 1/2% ратна штета за 1000. дин. ном 290— дин.

За злато и за вредносни папери плацаю банки потполн курс, а за валути о даскель поена меней.

Тарговина

Жито	306.—
Кукурица	160.—
Хмель	10—11.000
Мука нулерова	426.—
" хлѣбова	420.—
Млеко литра	3—4.—
Качки	35—60.—
Гуски кљюкани кг.	65—90.—
Говедзїна	16 20.—
Швиньске месо	20—22.—
Целѣчина	28—30.—
Сланїна сушена	22—25.—

Шветочни отпочивок

Недз I поста

ЕВАНГ. ЮАН. ГЛ. I. ЗАЧ. 5

Во время оно, восхотѣ Исусъ изыти въ Галїлею

и обрѣте Філіппа, и глагола ему: „гряди по мнѣ“. бѣ же Філіппъ от Виѳсаїды, от града Андреова и